

«Ыбырай оқулары – 2021»

Арқалық қаласы әкімдігінің Тілдерді оқыту орталығының ұйымдастыруымен Қазақстан Халықтарының Тілдері күні және Ы.Алтынсариннің 180 жылдық мерейтойына орай 18-29 жас аралығындағы үміткерлер арасында «Ыбырай оқулары -2021» қалалық онлайн байқауы өтті.



Мұрат ЖҮНІСҰЛЫ

Байқауға қала және ауыл мектептерінің мұғалімдері мен колледж оқытушыларынан 9 үміткер қатысты. Байқау үш кезеңнен тұрды. Бірінші кезең бойынша қатысушылар Ы.Алтынсариннің 180 жылдық мерейтойына арнау өлең шығарды. Екінші кезеңде латын графикасында Ы.Алтынсарин әңімелерінен (соңғы нұсқадағы алфавит бойынша) үзінді оқыса, үшінші кезеңде Ыбырайдың өлең-

дерін жатқа оқыды.

Нәтижесінде қазылар алқасының шешімімен I орынға Б. Майлин атындағы №3 жалпы білім беретін мектебінің ұстазы Асылхан Сәлімжан, II орынға Ы.Алтынсарин атындағы гимназия мұғалімі Анар Гиссинова, III орындарға Кейкі батыр атындағы №4 жалпы білім беретін мектебінің мұғалімі Әсемгүл Ниязбек пен А.Құнанбайұлы атындағы №6 мектеп-гимназиясының ұстазы Айнагүл Сапабекова ие болды.

– Орталығымызда мұндай шоқтығы биік іс - шаралар жиі өтеді. ҚР Конституция күніне орай орталық тыңдаушылары арасында онлайн жүйеде «Айбыны асқақ Ата Заң» атты интеллектуалдық танымдық сабақ өткізілді. Тыңдаушылар белсенді қатысып, қызықты ақпарат алып, тест сұрақтарына жауап берді.

ҚР Тәуелсіздігінің 30 жылдығына орай "Тәуелсіздік –тұғырым» тақырыбында диктант өтті. Қазақстан Республикасы Халықтарының Тілдері күні мерекесіне орай ағылшын тілінен «My chosen profession» атты зияткерлік сайыс - сабақ өтті. Сабаққа қала және ауыл

мектептерінің ұстаздары қатысты.

Ы.Алтынсарин атындағы Арқалық педагогикалық институтының базасында «Жаңаша жазып жаттығамыз» тәжірибе - сабағы өтті. Оны институттың аға оқытушысы Ардак Абдуллина жүргізді. Іс - шараларымыздың барлығына қатысушылар зор жауапкершілікпен атсалысады», – дейді қалалық Тілдерді оқыту орталығы директорының міндетін атқарушы Жазира Смағұлова.

Жүлдегерлер мен қатысушылар бағалы сыйлықтармен, орталықтың Алғыс хаттарымен марапатталды.

Арқалық қаласы.